

Դրույթներ ու պայմաններ

ՀԱՍՏԱՏՎԱԾ Է
«ՄԻՓԵՅ» ՍՊԸ -ի տնօրեն՝ Հրաչիկ Քոչինյան

(ստորագրություն)
28.04.2022

ԷԼԵԿՏՐՈՆԱՅԻՆ ՓՈՂԻ ԹՈՂԱՐԿՄԱՆ ԵՎ ՍՊԱՍԱՐԿՄԱՆ ՀՐԱՊԱՐԱԿԱՅԻՆ ՊԱՅՄԱՆԱԳԻՐ


1. ԸՆԴՀԱՆՈՒՐ ԴՐՈՒՅԹՆԵՐ

1.1. Սույն էլեկտրոնային փողի թողարկման և սպասարկման հրապարակային պայմանագրով (այսուհետ՝ Պայմանագիր) սահմանվում են էլեկտրոնային փողի թողարկման և սպասարկման (շրջանառության) պայմանները Համակարգում: Համաձայն ՀՀ քաղաքացիական օրենսգրքի՝ սույն Պայմանագիրը համարվում է հրապարակային օֆերտա, որը առաջարկվել է «ՄԻՓԵՅ» ՍՊԸ (այսուհետ՝ Ընկերություն) կողմից և ուղղված է ֆիզիկական և իրավաբանական անձանց, անհատ ձեռնարկատերերին Համակարգում ծառայությունների մատուցմանը:

2. ՊԱՅՄԱՆԱԳՐՈՒՄ ՕԳՏԱԳՈՐԾՎՈՂ ՀԻՄՆԱԿԱՆ ՀԱՄԿԱՑՈՒԹՅՈՒՆՆԵՐ

2.1. Սույն Պայմանագրի իմաստով.

- 1) **Էլեկտրոնային փող՝** Ընկերության նկատմամբ դրամական պահանջ արտահայտող դրամական արժեքն է, որը՝
 - պահվում է էլեկտրոնային սարքի վրա,
 - թողարկվում է ստացված դրամական միջոցների դիմաց, որոնց արժողությունը չի կարող ավելի փոքր լինել, քան թողարկված էլեկտրոնային փողի արժեքը,
 - ընդունվում է որպես վճարամիջոց Ընկերությունից տարբերվող այլ անձանց կողմից.
 - շահառուն վճարման ստացման վերջնական հասցեատերն է:
- 2) **Համակարգ՝** «ՄԻՓԵՅ» միավորներով հաշվարկների իրականացման համակարգ, թողարկողների, Օգտագործողների, Ծառայություն մատուցողների, տարածողների և (կամ) Գործակալների

- (այսուհետ՝ Մասնակիցներ), ինչպես նաև էլեկտրոնային փողերի թողարկումը և սպասարկումը ապահովող կարգերի,  **սպարաւատաճրագրային համալիրի և գործընթացների ամբողջություն:**
- 3) **Օգտատեր՝** ֆիզիկական անձ, իրավաբանական անձ կամ անհատաձեռնարկատեր, որը Ընկերության հետ կնքել է Պայմանագիր՝ Ընկերության կողմից նախապես հայտարարված և սահմանված պայմանների ու կանոնների համաձայն էլեկտրոնային փող ձեռք բերելու և էլեկտրոնային փողով մատուցվող ծառայությունների դիմաց վճարումներ կատարելու վերաբերյալ:
 - 4) **Հաշվառման հաշիվ՝** Ընկերության տվյալների կենտրոնացված շտեմարանում Օգտագործողի կամ Ծառայություն մատուցողի անունով բացված և Ընկերության կողմից վարվող/սպասարկվող հաշիվ:
 - 5) **Վերալիցքավորվող էլեկտրոնային փող՝** քարտի վրա կամ այլ սարքավորման մեջ տեղադրված միկրոպրոցեսորում/չիպում պարունակող դրամական արժեք (կանխավճարված էլեկտրոնային արժեք), որը հնարավոր է վերալիցքավորել/ավելացնել:
 - 6) **Մեկանգամյա օգտագործման չվերալիցքավորվող էլեկտրոնային փող՝** քարտի վրա տեղադրված միկրոպրոցեսորային չիպում պարունակվող մեկանգամյա օգտագործման համար նախատեսված դրամական արժեք (կանխավճարված էլեկտրոնային արժեք), որը հնարավոր չէ վերալիցքավորել:
 - 7) **Հաշվառման հաշվի համալրում (լիցքավորում)՝** գործառույթ, որը հնարավորություն է տալիս Օգտատերերին անկանխիկ վճարման դիմաց համարժեք դրամական միջոցների դիմաց ձեռք բերել էլեկտրոնային արժեք «ՄԻՓԵՅ» միավորներ և համալրել հաշվառման հաշիվը:
 - 8) **Էլեկտրոնային փողի մարում՝** գործառույթ, որի արդյունքում էլեկտրոնային փողի դիմաց համարժեք գումար է վճարվում Օգտատերերի կամ Օգտատիրոջ կողմից մատնանշված այլ անձի՝ բանկային հաշվին և (կամ) վճարային քարտին փոխանցելու միջոցով:
 - 9) **Էլեկտրոնային փողի սպասարկում՝** էլեկտրոնային փողերով գործառնությունների կատարման ժամանակ Մասնակիցների միջև հաշվարկների իրականացման ապահովում, որի արդյունքում Օգտատերը հնարավորություն է ստանում իր կողմից ձեռք բերված էլեկտրոնային փողը ներկայացնել մարման՝ բանկային հաշվին և (կամ) վճարային քարտին փոխանցելու միջոցով՝ վճարել Ծառայություններ մատուցող անձին մատուցված ծառայությունների դիմաց և կատարել փոխանցումներ այլ անձի/անձանց, իսկ Պայմանագրով նախատեսված դեպքերում՝ նաև համալրել հաշվառման հաշիվը:
 - 10) **Համակարգի կանոններ՝** Մասնակիցների միջև էլեկտրոնային փողերի սպասարկման/օգտագործման ժամանակ հաշվարկների իրականացումը և համագործակցությունն ապահովող նորմերի, կարգերի և ընթացակարգերի ամբողջություն:
 - 11) **Գործակալ՝** Ընկերությունից տարբերվող ֆինանսական կազմակերպություն, որը Ընկերության հետ կնքած պայմանագրի հիման վրա իրականացնում է էլեկտրոնային փողի մարում կամ համալրում՝ համակարգի կանոնների համաձայն:

3. ՊԱՅՄԱՆԱԳՐԻ ԱՌԱՐԿԱՆ

- 3.1 Սույն Պայմանագրով սահմանվում են Ընկերության կողմից Օգտատերերին մատուցվող ծառայությունների պայմանները և կարգը:
- 3.2 Ընկերության կողմից Օգտատերերին մատուցվում են հետևյալ ծառայությունները (այսուհետ՝ Ծառայություններ)

- Հաշվառման հաշվի համալրում,
- Էլեկտրոնային փողով վճարման կատարում,
- moons○ Էլեկտրոնային փողի մարում,
- Էլեկտրոնային փողի փոխանցում:

3.3 Համակարգի միջոցով ծառայությունների ցանկը, ծառայությունների մատուցման եղանակները, սակագների կիրառման/գանձման պայմանները հրապարակվում են Ընկերություն պաշտոնական կայքում:

3.4 Համակարգում առկա բոլոր տեսակի Ծառայությունների կիրառումը Օգտագործողների կողմից հնարավոր է միայն նույնականացման միջոցով (բացառությամբ Մեկանգամյա օգտագործման չվերալիցքավորվող էլեկտրոնային փողի): Նույնականացման գործընթացի պայմանները մանրամասն ներկայացված են Պայմանագրին կից Հավելված 1-ում՝ «Օգտագործողների նույնականացման կարգը կապմանները»:

3.5 Բոլոր հաշվարկները կատարվում են ՀՀ դրամով:

3.6 1 (մեկ) «ՄԻՓԵՅ» միավորը համարժեք է 1 (մեկ) ՀՀ դրամի:

4. ՊԱՅՄԱՆԱԳՐԻ ԿՆՔՈՒՄԸ

4.1 Սույն Պայմանագրի կնքման համար նախապայման է հանդիսանում Ընկերության կանոնակարգով և Պայմանագրով սահմանված կարգով Համակարգում Օգտատերերի գրանցվելը, որի համար Օգտատերերը բացում են Հաշվառման հաշիվ՝ Համակարգում Օգտագործողի անունով բացված բանկային հաշիվ և (կամ) վճարային քարտ Օգտագործողի կողմից կցելու միջոցով: Օգտատերերը Պայմանագրի կնքմամբ հաստատում են, որ ամբողջությամբ ծանոթացել են Պայմանագրի դրույթներին, Համակարգի ցանկացված կանոններին, և այդ կանոնները հասկանալի և ընդունելի են: Պայմանագրի կնքմամբ բացվում է էլեկտրոնային փողերի Հաշվառման հաշիվը:

4.2 Ընկերությունը տրամադրում է Օգտատերերին նույնականացված Հաշվառման հաշիվ այն դեպքում, երբ Օգտատերերը անցել են նույնականացման գործընթացը, իսկ ոչ նույնականացված Հաշվառման հաշիվ, եթե Օգտատերերը չեն անցել նույնականացման գործընթացը:

4.3 Հաշվառման հաշվի հասանելիությունը ապահովվում է Համակարգի ծրագրային ապահովմամբ Օգտատիրոջ կողմից օգտագործվող տվյալներով: Օգտատիրոջ տվյալները (անուն և գաղտնաբառ) ստեղծվում են Օգտատիրոջ կողմից ինքնուրույն: Գաղտնաբառը կարող է փոփոխվել Օգտատիրոջ կողմից:

4.4 Օգտատիրոջ ինքնուրույն պատասխանատվություն է կրում իր կողմից մուտքագրված տվյալների գաղտնության համար: Եթե Օգտատիրոջ տվյալները կորում են, ապա Ընկերությունը հնարավորություն է տալիս Օգտատիրոջ վերականգնել Հաշվառման հաշվի մուտքը:

4.5 Պայմանագիրը կնքվում է անժամկետ:

4.6 Ընկերությունը իրավունք ունի իր պաշտոնական ինտերնետային կայքում նախապես, բայց ոչ ուշ, քան համապատասխան փոփոխությունը կատարելուց առաջ 15 (տասնհինգ) օր առաջ հաղորդագրություն տեղադրելուց հետո՝ միակողմանիորեն փոփոխել Պայմանագրի դրույթները: Տվյալ դեպքում Օգտատերն իրավունք է ձեռք բերում միակողմանիորեն լուծել Պայմանագիրը՝ այդ մասին տեղեկացնելով Ընկերությանը: Օգտատիրոջ կողմից սույն կետով սահմանված Պայմանագրի միակողմանիորեն լուծման վերաբերյալ Ընկերությանը չտեղեկացնելու և Համակարգի ծառայություններից օգտվելու դեպքում նշված փոփոխությունը/փոփոխությունները համարվում են համաձայնեցված և ընդունված Օգտատիրոջ կողմից:

4.7 Ընկերությունն իր պաշտոնական ինտերնետային կայքում տեղադրում և պարբերաբար թարմացում է միջնորդավճարի վերաբերյալ տեղեկատվությունը:



4.8 Ընկերությունը պարտավորվում է չբացահայտել և որևէ կերպ չտարածել իր Օգտատերերի կողմից տրամադրված անձնական տվյալները, բացառությամբ՝ ՀՀ օրենսդրությամբ սահմանված դեպքերի:

5. ԹՈՂԱՐԿՈՂԻ ԻՐԱՎՈՒՆՔՆԵՐՆ ԵՎ ՊԱՐՏԱԿԱՆՈՒԹՅՈՒՆՆԵՐԸ

5.1 Ընկերությունն պարտավոր է.

5.1.1 Ապահովել Համակարգի անխափան գործունեությունը;

5.1.2 Տեղեկացնել Օգտատիրոջ Հաշվառման հաշվով կատարված գործարքների մասին;

5.1.3 Ապահովել Օգտատիրոջ անձնական տվյալների պահպանությունը;

5.1.4 Համալրել Օգտատիրոջ Հաշվառման հաշիվը համաձայն Համակարգի համապատասխան բաժնում նշված ձևերին պայմանների;

5.1.5 Իրականացնել Օգտատիրոջ պատշաճ նույնականացում;

5.1.6. ՀՀ օրենսդրությամբ սահմանված կարգով Օգտատիրոջը տրամադրել կատարված վճարումները հիմնավորող էլեկտրոնային հաշվարկային փաստաթղթեր,

5.1.7 Կեղծիքների, չարտոնագրված գործառնությունների, տեխնիկական սխալների կամ այլ խնդիրների դեպքում, եթե դրանք առաջացել են Ընկերության մեղքով, իրեն հասանելի մեթոդներով Օգտատիրոջը անմիջապես տեղյակ պահելուց հետո, փորձել վերականգնել Համակարգի աշխատանքը՝ առավելագույնը 24(քսանչորս) ժամվա ընթացքում, հակառակ դեպքում՝ հատուցել Օգտատիրոջ կրած իրական վնասը՝ Օգտատիրոջ կողմից նման գրավոր պահանջ ներկայացնելու դեպքում:

5.1.8 Օգտատիրոջը տեղեկացնել բոլոր այն հանգամանքների առաջացման, փոփոխման կամ վերացման մասին, որոնք էական նշանակություն ունեն Պայմանագրի կատարման համար:

5.2 Ընկերության իրավունքները.

5.2.1 Մերժել Օգտատիրոջ գործարքը եթե.

- Օգտատերը չի անցել համապատասխան նույնականացում,

- Օգտատիրոջ գործողությունների օրինականության վերաբերյալ կան հիմնավոր կասկածներ,

- Եթե սխալ է մուտքագրվել գաղտնաբառը:

5.2.2 Մերժել վճարման կարգադրությունների կատարումը, եթե չեն ներկայացվել համապատասխան փաստաթղթեր, որոնք սահմանված են «Փողերի լվացման և ահաբեկչության դեմ պայքարի մասին» ՀՀ օրենքով:

5.2.3 Իր հայեցողությամբ թարմացնել Հաշվառման հաշիվը կամ Հաշվառման հաշվից կատարվող գործարքների նվազագույն և առավելագույն չափերը;

5.2.4. Համակարգի պաշտոնական ինտերնետային կայքում նախապես հաղորդագրություն տեղադրելուց հետո՝ միակողմանիորեն փոփոխել Պայմանագրի դրույթները;

5.2.5 ՀՀ օրենսդրությամբ, ներառյալ՝ ՀՀ կենտրոնական բանկի նորմատիվ իրավական ակտերով սահմանված դեպքերում և կարգով Օգտատիրոջից պահանջել հավելյալ տեղեկություններ;

5.2.6 Պայմանագրով նախատեսված իրավարտականությունների իրականացման համար իր հաշվին և իր հայեցողությամբ ներգրավել երրորդ անձանց;

5.3 Օգտատիրոջ իրավունքները.

- 5.3.1 Օգտվել Համակարգում առկա բոլոր ծառայություններից՝ համաձայն Համակարգի կանոնների;
- 5.3.2 Ստանալ անհրաժեշտ տեղեկատվություն բոլոր ծառայությունների և միջնորդավճարների վերաբերյալ;
- 5.3.3 Ստանալ անհրաժեշտ տեղեկատվություն Հաշվառման հաշվով կատարված գործարքների մասին;
- 5.3.4 ՀՀ օրենսդրությամբ սահմանված կարգով Ընկերությանը ներկայացնել բողոքներ;
- 5.3.5 Համակարգի կանոններով սահմանված կարգով դիմել Ընկերությանը՝ Համակարգի միավորների մարման խնդրանքով;

5.4 Օգտատիրոջ պարտականությունները.

- 5.4.1 Պատշաճ ձևով իրականացնել Պայմանագրով և Համակարգի կանոններով նախատեսված պարտականությունները;
- 5.4.2 Ընկերության պահանջով տրամադրել հավաստի անձնական տվյալներ և տեղեկություններ, որոնք անհրաժեշտ են Պայմանագրի շրջանակներում Համակարգում առկա ծառայություններից օգտվելու համար;
- 5.4.3 Խնդիրների, կասկածների կամ այլ ծրագրային խափանումների մասին հնարավոր միջոցներով անհապաղ տեղեկացնել Ընկերությանը;
- 5.4.4 Ընկերությանը տրամադրած անձնական տվյալների և տեղեկությունների փոփոխության դեպքում հինգ աշխատանքային օրվա ընթացքում տեղեկացնել Ընկերության;
- 5.4.5 Կատարել Պայմանագրով սահմանված այլ պարտականություններ:

6. ԿՈՂՄԵՐԻՊԱՏԱՍԽԱՆԱՏՎՈՒԹՅՈՒՆԸ

- 6.1 Կողմերը պատասխանատվություն են կրում Պայմանագրով նախատեսված պարտականությունների չկատարման կամ ոչ պատշաճ կատարման համար՝ ՀՀ օրենսդրությամբ սահմանված կարգով:
- 6.2 Ընկերությունը պատասխանատվություն չի կրում Համակարգի գործունեությունը ապահովող ծրագրերի խափանման և սխալների համար, ինչպես նաև Օգտատիրոջ կողմից Համակարգ մուտք գործելու ժամկետավոր անհնարի նպատակահամար, եթե դրանք առաջացել են Ընկերության կամքից անկախ պատճառներով:
- 6.3 Ընկերությունը պարտավորվում է Օգտատերերին անմիջապես տեղեկացնել առաջացած խնդիրների մասին իրեն հասանելի եղանակով:
- 6.4 Ընկերության պատասխանատվություն չի կրում Օգտատիրոջ կողմից երրորդ անձանց անձնական տվյալների փոխանցման համար:
- 6.5 Եթե Օգտատերը կորցրել իր Հաշվառման հաշիվ մուտք գործելու տվյալները, ապա անհապաղ պետք է տեղեկացնի այդ մասին Ընկերությանը: Մինչև Հաշվառման հաշվի տվյալների փոփոխությունների կատարումը կամ սահմանափակումը Օգտատերը կրում է պատասխանատվություն առաջացած բոլոր հետևանքների և Ընկերությանը հասցրած վնասի համար:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ/ՖՈՐՍ-ՄԱԺՈՐ

- 7.1. Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է Պայմանագիրը կնքելուց հետո, և որը կողմերը չէին կարող կանխատեսել կամ կանխարգելակել: Այդպիսի իրավիճակներն են՝ երկրաշարժը, ջրհեղեղը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները,

հաղորդակցության միջոցների աշխատանքի դադարեցումը, պետական մարմինների, ներառյալ՝ ՀՀ կենտրոնական բանկի կողմից ընդունված ակտերը և այլն) չեն անհնարին են դարձնում Պայմանագրով սահմանված պարտավորությունների կատարումը: Եթե արտակարգ ուժի ազդեցությունը շարունակվում է 3 /երեք/ ամսից ավելի, ապա Պայմանագրի կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես տեղյակ պահելով մյուս կողմին:

8. ՀԱՄԱԿԱՐԳՈՒՄ ԱՌԱՋԱՑԱԾ ԿԵՂԾԻՔՆԵՐԻ, ԶԱՐՏՈՆՎԱԾ ԳՈՐԾԱՌՆՈՒԹՅՈՒՆՆԵՐԻ, ՏԵԽՆԻԿԱԿԱՆ ՄԽԱԼՆԵՐԻ ԵՎ ԱՅԼ ԽՆԴԻՐՆԵՐԻ ԿԱՐԳԱՎՈՐՈՒՄ

8.1. Համակարգում առաջացած կեղծիքների, չարտոնված գործառնությունների, տեխնիկական սխալների և այլ համագոր խնդիրների մասին տեղեկանալու պարագայում Օգտատերը կարող է տեղեկացնել Ընկերությանն առաջացած խնդիրների վերաբերյալ: Եթե Համակարգում առաջացած կեղծիքները, չարտոնված գործառնությունները, տեխնիկական սխալները և այլ համագոր խնդիրները հանգեցրել են Օգտատիրոջ շահվածքի հաշվի վրա առկա «ՄԻՓԵՅ» միավորների կորստի, ապա Օգտատերն այդ մասին պարտավոր է տեղեկացնել Ընկերությանն անհապաղ, սակայն ոչ ուշ, քան նման կեղծիքների, չարտոնված գործառնությունների, տեխնիկական սխալների և այլ համագոր խնդիրների մասին տեղեկանալուց 5/հինգ/ աշխատանքային օրվա ընթացքում: Ընկերությունը պատշաճ կերպով Օգտատիրոջ կողմից տեղեկանալու պարագայում պարտավոր է ձեռնարկել բոլոր տեխնիկապես հնարավոր միջոցառումները և գործողությունները՝ չարտոնված գործառնությունների չեղարկման, կեղծիքների և տեխնիկական սխալների վերացման և այլ համագոր խնդիրների լուծման ուղղությամբ:

9. ԱՅԼ ԴՐՈՒՅԹՆԵՐ

9.1 Պայմանագիրը մեկնաբանվում է ՀՀ օրենսդրության համապատասխան:

9.2 Պայմանագրով չկարգավորված հարցերը կարգավորվում են Համակարգի կանոններով, իսկ այդպիսի դրույթների բացակայության դեպքում՝ ՀՀ օրենսդրությամբ: «Ֆինանսական համակարգի հաշտարարի» մասին ՀՀ օրենքով նախատեսված դեպքերում և կարգով Հրապարակային պայմանագրի առնչությամբ առաջացած վեճը կամ տարաձայնությունը, որը չի լուծվում Պայմանագրով նախատեսված բանակցային եղանակով, կարող է հանձնվել ֆինանսական համակարգի հաշտարարի քննությանը՝ «Ֆինանսական Համակարգի Հաշտարարի մասին» ՀՀ օրենքով սահմանված կարգով քննելու և լուծելու համար:

9.3 Սույն Պայմանագրից ծագող կամ դրա հետ կապված բոլոր վեճերը, տարաձայնությունները կամ պահանջները, որոնք չեն կարգավորվում բանակցությունների և խորհրդատվությունների ուղիով, այդպիսով նաև դրա կատարմանը, խախտմանը, դադարեցմանը կամ անօրինականությանը վերաբերող հարցերը, ենթակա են լուծման Հայաստանի Հանրապետության օրենսդրության համաձայն:

9.4 Կողմերից յուրաքանչյուրն իրավունք ունի լուծել Պայմանագիրը՝ այդ մասին 15/ տասնհինգ օր/ առաջ մյուս կողմին ծանուցում ուղարկելու միջոցով:



Հավելված 1

ՕԳՏԱԳՈՐԾՈՂՆԵՐԻ ՆՈՒՑՆԱԿԱՆԱՑՄԱՆ ԿԱՐԳԸ ԵՎ ՊԱՅՄԱՆՆԵՐԸ

Մույն փաստաթուղթը համարվում է Պայմանագրի անբաժանելի մասը, և դրանում ներառված բոլոր բառերը/տերմինները ունեն Պայմանագրում սահմանված նշանակությունները:

Օգտատիրոջ նույնականացումը կատարվում է հետևյալ տվյալների հիման վրա.

- Անուն, Ազգանուն,
- Անձնագրային տվյալներ,
- Հեռախոսի համար,
- Հաշվառման հաշվի տվյալներ:

Նույնականացումը կատարվում է ֆինանսական կազմակերպությունների կողմից թողարկված բանկային քարտով:

Հայկական բանկի կողմից թողարկված քարտն կցվում է Հաշվառման հաշվին:

Ֆիզիկական անձ հանդիսացող Օգտագործողների համար

Նույնականացման գործընթացի ժամանակ Օգտագործողը պարտավոր է թողարկողին տրամադրել հետևյալ տեղեկությունները և փաստաթղթերի պատճենները՝

Օգտագործողի անունը, ազգանունը, անձնագրի/նույնականացման քարտի սերիան, համարը, տրման ամսաթիվը և վայրը, բնակության հասցեն, հաշվառման հասցեն, հեռախոսահամարները, էլեկտրոնային փոստի հասցեն:

Իրավաբանական անձ հանդիսացող Օգտագործողների համար

Նույնականացման գործընթացի ժամանակ Օգտագործողը պարտավոր է թողարկողին տրամադրել հետևյալ տեղեկությունները և փաստաթղթերի

պատճենները՝



Օգտագործողի լրիվանվանումը, կազմակերպաիրավական տեսակը, ՀՎՀՀ-ն, փաստացի գտնվելու հասցեն, Օգտագործողի վերաբերյալ ՀՀ արդարադատության նախարարության իրավաբանական անձանց պետական ռեգիստրից տեղեկանքը, լիազորված անձի իրավասությունը հավաստող փաստաթուղթը, անունը, ազգանունը:

Անհատ ձեռնարկատեր հանդիսացող Օգտագործողների համար

Նույնականացման գործընթացի ժամանակ Օգտագործողը պարտավոր է Թողարկողին տրամադրել հետևյալ տեղեկությունները և փաստաթղթերի պատճենները՝

Օգտագործողի անունը, ազգանունը, անձնագիրը, անհատ ձեռնարկատիրոջ վերաբերյալ ՀՀ արդարադատության նախարարության իրավաբանական անձանց պետական ռեգիստրից տեղեկանքը, լիազորված անձի իրավասությունը հավաստող փաստաթուղթը, ՀՎՀՀ-ն, գործունեության և բնակության հասցեները, հեռախոսահամարները:

Հավելված 2

ԷԼԵԿՏՐՈՆԱՅԻՆ ՓՈՂԻ ՍԱՀՄԱՆԱԶՉԱՓԵՐ, ՍԱՀՄԱՆԱՓԱԿՈՒՄՆԵՐ ԵՎ ՍԱԿԱԳՆԵՐ

ԿԻՐԱՌ-ՄԱՆ ՈՒՈՐՏԸ

«ՄԻՓԵՅ» սահմանափակ պատասխանատվությամբ ընկերության (այսուհետ՝ Ընկերություն) «Էլեկտրոնային փողի միջոցով իրականացվող գործարքների սահմանաչափերի և սահմանափակումների կիրառման» կարգը (այսուհետ՝ Կարգ)

կարգավորում է Ընկերության Համակարգում մատուցվող ծառայությունների ժամանակ Ընկերության կողմից սահմանված սահմանափակումները և սահմանաչափերը:

●●moons

ՆՊԱՏԱԿԸ

Ընկերությունը, Կարգը սահմանելիս, հիմնվել է փողերի լվացման և ահաբեկչության ֆինանսավորման (այսուհետ՝ ՓԼ/ԱՖ) կանխարգելման ոլորտում ՓԼ/ԱՖ բարձր և ցածր ռիսկի չափանիշների ու դրանց որոշման կարգի, օգտատերերին նույնականացման կանոնների և այլ միջոցառումների և ընթացակարգերի վրա:

ԷԼԵԿՏՐՈՆԱՅԻՆ ՓՈՂՈՎ ԻՐԱԿԱՆԱՑՎՈՂ ԳՈՐԾԱՐՔՆԵՐԻ ՍԱՀՄԱՆԱԶՈՓԵՐ ԵՎ ՍԱՀՄԱՆԱՓԱԿՈՒՄՆԵՐ

Համակարգում Հաշվառման հաշվով կատարվող գործարքներ.

- Հաշվառման հաշվի համալրում,
- Էլեկտրոնային փողով վճարման կատարում,
- Էլեկտրոնային փողի մարում,
- Էլեկտրոնային փողի փոխանցում:

Ելնելով հաշվառման հաշիվների կարգավիճակներից՝ չնույնականացած և նույնականացված, գործում են համապատասխան սահմանափակումներ և սահմանաչափեր: Նույնականացման կարգը սահմանված են Ընկերության Էլեկտրոնային փողի թողարկման և սպասարկման հրապարակային պայմանագրում, իսկ վերջիններիս գործարքների սահմանաչափերը և սահմանափակումները կարգավորվում են սույն Կարգով:

3.1. ՆՈՒՅՆԱԿԱՆԱՑՎԱԾ

Օգտատիրոջ նույնականացնող Հաշվառման Հաշվում (Հաշիվներում) պահվող Էլեկտրոնային փողը յուրաքանչյուր պահի չիկարող գերազանցել 1,000,000 ՀՀ դրամը: Օգտատիրոջ կողմից մեկից ավելի Հաշվառման Հաշիվներ ունենալու դեպքում, նշված սահմանաչափը կիրառվում է բոլոր հաշիվներին միասին, իսկ գործարքների տեսակները իրենց սահմանաչափերով ներկայացված են ստորև.

ՀԱՄԱԼՐՈՒՄ

Մեկ այլ Moons դրամապանակից՝ 1 ՀՀ դրամից մինչև 1,000,000 ՀՀ դրամ

Ռեկվիզիտներով՝ 100 ՀՀ դրամից մինչև 1,000,000 ՀՀ դրամ

ՎՃԱՐՈՒՄ/ՄԱՐՈՒՄ

Գործարք ըստ ռեկվիզիտների՝ 100 ՀՀ դրամից մինչև 1,000,000 ՀՀ դրամ

Բջջային կապ՝ 100 ՀՀ դրամից մինչև 1,000,000 ՀՀ դրամ

3.1. ՉՆՈՒՅՆԱԿԱՆԱՑՎԱԾ (ՄԵԿԱՆԱԳԱՄՅԱ ԶՎԵՐԱԼԻՑՔԱՎՈՐՎՈՂ) ՀԱՇՎԱՌՄԱՆ ՀԱՇԻՎՆԵՐ

Յուրաքանչյուր Օգտատիրոջ Հաշվառման Հաշվում պահվող մեկանգամյա օգտագործման չվերալիցքավորվող Էլեկտրոնային փողի առավելագույն չափը չիկարող գերազանցել 200,000 ՀՀ դրամը:

ՀԱՄԱԼՐՈՒՄ

Մեկ այլ Moons դրամապանակից՝ 1 ՀՀ դրամից մինչև 200,000 ՀՀ դրամ

ՎՃԱՐՈՒՄ/ՄԱՐՈՒՄ

Բջջային կապ՝ 100 ՀՀ դրամից մինչև 200,000 ՀՀ դրամ

4.1. ՍԱԿԱԳՆԵՐ

Վճարումներ

Բջջային հեռախոսի լիցքավորում

Բջջային օպերատորներ
Բիլայն, Վիվասել, Յուբոմ
Լիմիտավորված ընկերություն
0%

Փոխանցումներ
Համակարգի մեջ այլ հաշվին
Միջնորդավճար
0%

Տեղական բանկային հաշիվներին
Միջնորդավճար
0.5%

Բանկերից փոխանցում կատարելու դեպքում
Միջնորդավճար
Կախված բանկային գանձումներից

Հետադարձ կապ

Հեռախոս`

+374 60 544 000

Էլ. հասցե`

info@moons.am

Հասցե`

**Բաղրամյան պող. 53/66, Երևան, ՀՀ
ՄԻՓԵՅ ՍՊԸ**

●●●moons

Մեր մասին

Ծառայություններ

Հաշվետվություններ

Ֆինանսական համակարգի հաշտարար

Սակագներ ու սահմանաչափեր

Մասնաճյուղեր

Իրավական ակտեր

Դրույթներ ու պայմաններ



Սպառողի իրավունքներ

2023, ՄԻՓԵՅ ՄՊԸ Բոլոր իրավունքները պաշտպանված են